


# VIR ONS JONG MAATJIES...

## (en almal wat 'n jong hartjie het)



Toe sê Noag baie streng vir hom: “As jy nie jou trots in jou sak gaan steek en jou lang nek buig nie, bly jy buite en verdrink dan maar saam met al die ander diere!”



**BAIE BESIGE BYTJIE** wil graag vir julle die ware storie van Noag en die ark vertel...

Baie, baie, baie jare gelede was die mense só sleg dat GOD vreeslik KWAAD geword het. Hy het vir Noag geroep en vir hom gesê dat Hy v-e-r-s-k-r-i-k-l-i-k baie reën oor die aarde gaan uitgiet en dat AL die mense en diere gaan verdrink!


JA, Noag moes 'n g-r-o-o-t ark met drie verdiepings bou en hy en sy vrou en hulle drie seuns en hulle vrouens was die enigste mense wat in die ark kon ingaan, want die ander mense wou net n-o-o-i-t na Noag luister wanneer hy gedurig met hulle gepraat en hulle gewaarsku het om na God te luister nie.

En weet julle wat? Van al die rein diere op die aarde het daar sewe pare - mannetjies en wyfies - self na die ark toe aangeloop gekom. En van die onrein diere net een paar: 'n mannetjie en 'n wyfie van elke soort dier. Al die diere en voëls was gehoorsaam en het gekom en in die ark ingegaan.



Maatjies, maar nou gaan ek julle vertel van 'n paar diere wat hulle probeer snaaks hou het en amper NIE in die ark toegelaat is nie!

**LANGNEK KAMEELPERD** kom toe mos daar aan en hy wil by die deur van die ark glad nie sy lang nek buig nie. Hy is baie T=R=O=T=S en verskriklik H=A=R=D=K=O=P=P=l=G en hy sê vir Noag dat hy nie sy pragtige lang nek gaan b-u-i-g nie! Vir niks en niemand nie!



As jy jou nie nou dadelik goed gedra nie, gaan jy ook nie die ark binne nie!”


En RAASBEK moes toe maar sy horing op sy plek hou en stil en rustig in die tou staan en wag om in die ark in te gaan.

Maatjies, Jesus hou ook glad nie daarvan as ons ander maatjies uit die pad stamp en hulle niks gun nie. Hy hou daarvan as ons mooi en liefdevol teenoor mekaar optree.



Joe maatjies, daar het nog iets anders ook gebeur wat die ander diere se monde laat oophang het. Daar het snikke van die grond af opgestyg.

Toe almal kyk wat dan nou aangaan, sien hulle DAANTJIE DUISENDPOOT huil verdrietig.



“Wat is verkeerd, ou DUISEND-POOTJIE?” vra Noag.


“Ag, oom Noag, almal trap altyd op my ou pootjies en hulle maak my pootjies en my gevoelens tog so seer!”

“Ou DAANTJIE, dis maklik, sê Noag. Probeer net altyd al jou pootjies uit ander diere se pad hou, moenie so baie fyngevoelig wees nie en kom lê naby my in die ark.”

Maatjies, daar is maar probleme vir ons almal in hierdie lewe, maar ons moet ook maar ons “pootjies” - ons fyngevoeligheid en ons seerkry - na Jesus toe neem. Hy sal ons styf vashou en vertroos.

Toe al die diere in die ark ingegaan het, vra Noag nog vir

oulaas: “Is almal nou veilig in die ark?”



“Nee, Oom Noag!” skreeu 'n koor diere. “Die parmantige APIE ARMAND, swaai nog al die tyd in die boomtakke hier buite die ark rond. Ons roep hom en waarsku hom, maar hy wil NIE luister en in die ark inkom NIE.”

Noag roep toe nog 'n laaste keer DRINGEND vir APIE om in die ark in te kom voordat hy die deur styf toemaak en die Here dit sluit.

Maar parmantige APIE ARMAND steek sy tong uit en swaai net verder weg.

En Maatjies, toe begin dit dadelik te r-e-ë-n en r-e-ë-n en r-e-ë-n, 40 dae en 40 nagte lank! En AL die mense en diere en voëls wat nie in die ark ingegaan het nie, het verdrink!



Maatjies, JESUS is ons ark. By Hom kan ons skuiling vind teen al die moeilikhede van hierdie wêreld, maar ons moet dan eers ons hartjies vir Hom oopmaak en Hom innooi om by ons te kom bly.

Vra vir Mamma of Pappa om saam met jou te bid en jou te help om jou hartjie vir Jesus te gee. ©Huegene Venter